



Акафист

священномученику Петру, архиепископу Воронежскому

Кондак 1

Избранный святителю Господень,
исповедниче и мучениче Христов, / верою и
любовию до конца Владыце своему послуживый,
/ подвиги многи совершив, страдания велия за
Христа мужественне претерпевый, / лику
небесному страстотерпцев российских
благочестно совокупивыйся, / заступай нас
молитвами твоими, досточудне, да велегласно
вопием ти:

Радуйся, священномучениче Пётре,
архипастырю Соловецкий.

Икос 1

Ангельски над миром мятежным к высоте
небесней возлетел еси крилами богоданными,
святителю отче Пётре, херувимски созерцая
бездну милосердия Божия, серафимскою
любовию пылая ко своему Создателю,

прославля́я еси́ Того́ глаго́лом вдохнове́нным.
Те́мже и от нас приими́ благода́рныя любве́
воздая́ния, да ра́дующимся се́рдцем и
умиле́нною душе́ю воспева́ем ти:

Ра́дуйся, пла́менем Божество́вныя любве́ от
ю́ности возжже́нный:

Ра́дуйся, мно́гими добродете́лями от мла́дости
украше́нный.

Ра́дуйся, о́трасле до́брая ко́рене
благочестива́го:

Ра́дуйся, сы́не сла́вный Оте́чества
много́терпелива́го.

Ра́дуйся, любóвию Христо́вою неотсту́пно
назира́емый:

Ра́дуйся, во благо́нравии то́ю му́дре
соблюда́емый.

Ра́дуйся, вла́стию Госпо́днею на путь
свяще́ннаго служе́ния наста́вленный:

Ра́дуйся, десни́цею Вы́шняго в Ца́рство
Небе́сное управле́нный.

Ра́дуйся, свяще́нномучени́че Пе́тре,
архипа́стырю Солове́цкий.

Кондак 2

Ви́дя Госпо́дь ве́лию ве́ру и усер́дие твоё к Нему́, я́ко измла́да прилежа́л еси́ божественней службе́ и вся́кому благоче́стию, о́бразом а́нгельским почти́ тя, и на служе́ние Своё поста́ви. Ты же по́двиг сей до́блественне соверша́л еси́, вы́ну воспева́я благода́телю Бо́гу: Аллилу́иа.

Икос 2

Ра́зумом богопросвеще́нным в позна́нии и́стины преуспева́л еси́, досто́блаже́нне, му́дростию духо́вною обогаща́ясь, исполня́ясь кре́пости боже́ственныя, добродете́ли ева́нгельския невозврати́ души́ свое́й присво́я. Те́мже мы, покланя́ющесе́ милосе́рдному Бо́гу, тако́вы дивны́ сокрови́ща тебе́ дарова́вшему, во умиле́нии глаго́лем ти:

Ра́дуйся, благода́тию Бо́жиею освяще́нный:

Ра́дуйся, прему́дрости То́го всеще́дро науче́нный.

Ра́дуйся, ра́зум свят смире́нием твои́м стяжа́вый:

Ра́дуйся, да́нная ти Го́сподем стори́цею То́му́ возда́вый.

Ра́дуйся, ко а́нгельскому чи́ну от ю́ности причте́нный:

Ра́дуйся, во и́мя апо́стола Петра́ во ино́честве нарече́нный.

Ра́дуйся, по́двигом о́наго о Го́споде поревно́ваый:

Ра́дуйся, путь ско́рбный и сла́достный страда́ний о Христе́ избра́ый.

Ра́дуйся, священномучениче Пётре, архипа́стырю Солове́цкий.

Кондак 3

Си́ле духо́вней, от тебе́ исходя́щей, диви́шася лю́дие, па́стыря до́браго и милосе́рдаго уте́шителя ты обрётше: лю́бовию твоёю согрева́еми, к тебе́ благодарёнием протира́хуся, ра́достью воспева́юще Бо́гу: Аллилу́иа.

Икос 3

Име́я се́рдце, ве́лия ве́ры ко Го́споду испо́лнено, трепещу́ще словес Боже́ственных, досто́ин показа́лся еси́, о́тче Пётре, са́на архиере́йскаго: вонъже и возведе́ ты сердце́ведец Бог, вла́стию и благода́тию святите́льскою облека́я ты. Те́мже покланя́ющеся досто́инству и

дарова́нием твои́м, от Бо́га су́щим, поём ти
тако́вая:

Ра́дуйся, зо́ву Боже́ственнаго Учи́теля
ра́достью повинова́вайся:

Ра́дуйся, о сла́ве Его́ Небе́сней ду́хом
разгора́вайся.

Ра́дуйся, ко служе́нию святи́тельскому ду́шу
свою́ угото́вивый:

Ра́дуйся, себе́ апо́столу первоверхо́вному
ре́вностию по Бо́зе уподо́бивый.

Ра́дуйся, сла́дость словес Госпо́дних в се́рдце
всегда́ храни́вый:

Ра́дуйся, игу́ благо́му Христо́ву вы́ю свою́
подклони́вый.

Ра́дуйся, благода́ть архипа́стырскую от
десни́цы Тихона́ Первосвя́тителя́ росси́йскаго
прие́мый:

Ра́дуйся, я́коже и той, по́двиг
испове́дничества́ и му́ченичества́ на рамена́
свои́ подъя́мый.

Ра́дуйся, священному́чениче́ Пётре,
архипа́стырю́ Солове́цкий.

Кондак 4

Бу́ря беззако́ний поколеба́ Держа́ву Росси́йскую в годи́ну испытáний лю́тых, за грехи́ на́ша нам от Бо́га попу́щаемых: злѡба и уны́ние, скорбь и рыда́ния испо́лниша многострада́льное оте́чество на́ше. Тобо́ю же, святи́телю, и тебе́ единонра́вными, Це́рковь Ру́сская от поги́бели изба́вися, и враты́ а́довыми не одоле́на сохрани́ся. Лю́дие же, ви́дяще непоколебиму́ вѣру твою́, и свети́льник твой прѣсно горя́щ, воспева́ху Бо́гу: Аллилу́иа.

Икос 4

Слы́шав непреста́нно глас Бо́жий в се́рдце твоём, ко испове́данию и́стины и пасе́нию овец Христо́вых призыва́ющий, слуга́ Госпо́день вѣрен и безстра́шен яви́лся еси́: гонений и преще́ний вра́жиих не убоя́вся, до конца́ святи́тельское и па́стырское служе́ние исполнял еси́, досто́блаженне Пе́тре. Тем покланя́ющеса ве́личию души́ твоея́, во умиле́нии глаго́лем ти:

Ра́дуйся, о́гненный сто́лпе, во мра́це безбо́жия све́тло сия́й:

Ра́дуйся, ка́меню ве́ры Христо́вы, в нейже па́ству росси́йскую утвержда́й.

Ра́дуйся, от раздира́ния и разоре́ния Ру́сскую
Це́рковь храни́вый:

Ра́дуйся, мно́гия во́лны мяте́жа церко́внаго
си́лою ду́ха твоего́ укроти́вый.

Ра́дуйся, к слúжбе божéственней лю́бовь
вéлию и ре́вность имéвый:

Ра́дуйся, иóты еди́ныя в ней николи́же
презрэ́вый.

Ра́дуйся, уста́ва церко́внаго стрóгий
блюсти́телю:

Ра́дуйся, Бо́жих дел соверши́телю.

Ра́дуйся, священномúчениче Пётре,
архипа́стырю Соловёцкий.

Кондак 5

Богоизбра́нный во́ине Христо́в, ору́жием
вéры и о́гненным мечéм словéс Божéственных
посека́л еси́ всякое нечéстие, разруша́л еси́
ко́зни вра́жия, защища́я достоя́ние церко́вное,
сохраня́я от падéния правосла́вную святы́ню:
Бо́гу же, вспомо́щству́юще тебе́ и на брань
святу́ю вдохновля́юще, воспева́л еси́ вы́ну:
Аллилу́иа.

Икос 5

Ви́деша врагѣ́ рѣ́да Хри́стиа́нскаго́ ты
и́стинна побѣ́рника вѣ́ры оте́ц на́ших, и Це́ркве
Правосла́вныя зашѣ́тителя, бо́лезньми и
ско́рбьми лю́те уязвля́ху ты, погуби́ти тща́щеса.
Ты же́ я́ко свѣ́тый Па́вел, не мо́гий не
проповѣ́дати Христа́, и во у́зах сый, воздвиза́л
еси́ благовествующи́й глас твой, уловля́я ду́ши во
спасе́ние. Сего́ ра́ди песносло́вим тво́я по́двиги,
любо́вию Христо́вою содева́емья, и прино́сим ти
хвалѣ́ния сицева́я:

Ра́дуйся, мно́ги ско́рби, изгна́ние и заточе́ние
претерпе́вый:

Ра́дуйся, вре́менныя жи́зни поко́й пра́вды
Бо́жия ра́ди презре́вый.

Ра́дуйся, и́стинную ра́дость во страда́ниях о
Го́споде обрета́вый:

Ра́дуйся, си́ми страда́нии в по́двиге Христо́вы
любе́ возраста́вый.

Ра́дуйся, у́зником и стра́жем темни́чным
отра́да и утеше́ние бы́вый:

Ра́дуйся, о́браз терпе́ния и себе́ отрече́ния
до́блественне яви́вый.

Ра́дуйся, сокрови́ща се́рдца свое́го лю́дем
откры́ти гото́вый:

Ра́дуйся, си́лою любве́ твоея́ мно́гих
обрати́вый ко и́стинней ве́ре Христо́вой.

Ра́дуйся, священному́чениче Пётре,
архипа́стырю Солове́цкий.

Кондак 6

Пропове́дует Це́рковь Росси́йская
благода́рною па́мятию христиа́н правосла́вных
вели́чие добродётелей и по́двигов твои́х,
святителю́ Пётре, да́ры любве́ своея́ тебе́
принося́щи: Бо́гу же, дарова́вшему нам тебе́,
па́стыря дивна́го, пою́щи: Аллилу́иа.

Икос 6

Воссия́ тобою́ сла́ва по́двига святительска́го,
и́стинный служи́телю Христо́в, священне́ Пётре:
иде́же бо тружда́лся еси́ на ниве́ духо́вней,
всю́ду чу́дная дела́ соверша́л еси́, до́брую па́мять
о себе́ оставля́я. Тем воспева́юще благода́теля
твое́го́ Бо́га, во умиле́нии глаго́лем ти:

Ра́дуйся, пра́вило ве́ры, и благоче́стия о́бразе
всесовершенство́нный:

Ра́дуйся, пла́меню, благода́тию
Божéственнаго Ду́ха возжжéнный.

Ра́дуйся, земли́ Нижегородския́ и Тферскія́
похвалó, и Ворóнежския́ цéркве отрадо:

Ра́дуйся, всея́ Россійския́ страны́ неугасима́я
лампадо.

Ра́дуйся, гласе́, в пусты́ни безбо́жия о Бо́зе
вопийя́й:

Ра́дуйся, путево́дителю, сквозé тёрние́ и
волчцы́ к земли́ обетова́ния преводя́й.

Ра́дуйся, тихий́ свет любве́ на всех оби́льно
излива́яй:

Ра́дуйся, мно́жество́ люде́й о́крест себе́
спаса́яй.

Ра́дуйся, священномучени́че Пётре,
архипа́стырю́ Соловёцкый.

Кондак 7

Хотя́ спасти́ Цéрковь Ру́сскую́ от раско́ла и
ерéсей, и изба́вити от отча́яния лю́ди, в пучи́не
зло́бы сатани́нския́ пребыва́ющия, вся́ си́лы своя́
прило́жил еси́ к тому́, премудре́ Пётре,
непреста́нно Го́споду́ служá и Того́ пропове́дуя.

Тем мно́зи восприя́нуша тобо́ю к Бо́гу,
воспева́юще Ему́ ра́достью: Аллилу́иа.

Икос 7

Но́ваго тя испове́дника и му́ченика Христо́ва
позна́ вели́кая многострада́льная Росси́а, ра́нами
безчи́сленными изъязв́енная, кро́вию
му́ченическою оби́льно напо́енная, увенча́нная
сла́вою мно́жества свята́х своих. Почита́юще тя
яко еди́наго от сих досто́йнейших и сла́внейших
сыно́в российских, пё́ние хвале́бное прино́сим
ти:

Ра́дуйся, святи́телю, Христа́ безстра́шно
испове́давый:

Ра́дуйся, боя́зни и стра́ха челове́ческа не
ве́давый.

Ра́дуйся, па́стырю, ду́шу за о́вцы тво́я
полага́вый:

Ра́дуйся, наёмником лука́вым па́стыви твое́я
расхи́тити не да́вый.

Ра́дуйся, святи́ню Це́ркве Правосла́вныя
ре́вностно храни́вый:

Ра́дуйся, враго́в ея́ тем в трéпет приводи́вый.

Ра́дуйся, к кончи́не жити́я твоего́
му́ченичестей всеце́ло угото́вивыйся:

Ра́дуйся, прия́ти ту всера́достне
сподо́бивыйся.

Ра́дуйся, священному́чениче Пётре,
архипа́стырю Солове́цкий.

Кондак 8

Стра́нник земный́ был еси́, святи́телю, я́коже
мно́зи от единоплеме́нник твои́х, не имы́и
приста́нища во Оте́чествии твоём, гони́м и
поноша́ем от враг Христо́вых, не терпе́ющих
твоея́ святы́ни. Ты же сла́вил еси́ о всем Еди́наго
И́стиннаго Бо́га, се́рдцем и усты́ поя́ небесную́
Ему́ песнь: Аллилу́иа.

Икос 8

Всего́ себе́ во́ли Господни преда́в, страда́ния
Его́ ра́ди за честь почита́л еси́, досточу́дне: тем
преселе́ние во ото́к солове́цкий и в темни́це
заточе́ние, я́ко от десни́цы Бо́жия восприя́л еси́.
Мы же, покланя́ющесея́ му́жеству и
долготерпе́нию твоему́, хвале́ния прино́сим ти
такова́я:

Ра́дуйся, во святы́я ото́ки солове́цкия, обра́щенныя безбо́жники в ме́сто муче́ния, изгна́нный:

Ра́дуйся, ото́ком сим на утеше́ние и утвержде́ние в Бо́зе дарова́нный.

Ра́дуйся, ко мно́жеству архиере́ев и священник, та́мо томя́щихся, причте́нный:

Ра́дуйся, священномучени́че чу́дный, и стратоте́рпче соверше́нный.

Ра́дуйся, и во изгна́нии сый, досто́инство архиере́йское храни́вый:

Ра́дуйся, си́лою духо́вною и власти́телей безбо́жных покорив́ый.

Ра́дуйся, Боже́ственную ти́шину́ и мир невозму́тим в ду́ши всегда́ име́вый:

Ра́дуйся, от Го́спода ти да́нный крест любви́ю и ра́достью претерпе́вый.

Ра́дуйся, священномучени́че Пе́тре, архипа́стырю Солове́цкий.

Кондак 9

Вся́кое а́нгельское естество́ удиви́ся чу́дным подвиго́м твои́м, богоблаже́нне, ты бо́ я́ко еди́н от ору́жник небесных, до́блественне вои́нствовал

еси́ на ду́хи зло́бы за Влады́ку твоего́ Христа́,
воспева́я тому́ с ли́ки безплóтных: Аллилу́иа.

Икос 9

Вети́и суемудреннии не мо́гут разумети́
высоту́ добродетелей твои́х, ниже́ глубину́
Божественныя твоея́ любве́: тоя́ ради́ мно́гая
страда́ния благоду́шно претерпел еси́, во е́же от
Го́спода ти неразлучену бы́ти. Мы же, чту́щии
свя́тость души́ твоея́ и си́лу духо́вною, Бо́гом ти
дарова́нную, во умиле́нии глаго́лем:

Ра́дуйся, томле́ния и труды́ тяжки́ в
заточе́нии терпе́вый:

Ра́дуйся, о оскверне́нии всея́ Руси́ святы́я и
соловѣцкия оби́тели скорбе́вый.

Ра́дуйся, утеше́ние души́ твое́й в моли́тве
обрета́вый:

Ра́дуйся, божественную службу́ со
священными соу́зники твоими́ неотсту́пно
соверша́вый.

Ра́дуйся, за всю́ страну́ Росси́йскую
благоприятну́ жер́тву Бо́гу приноси́вый:

Ра́дуйся, о пока́янии ея́ в серде́чном
сокруше́нии Го́спода моли́вый.

Ра́дуйся, служи́телю Христо́вы Це́ркве и
моли́твенниче самоотрече́нный:

Ра́дуйся, Архиепи́скоп солове́цкий соу́зники
твои́ми нарече́нный.

Ра́дуйся, свяще́нномучениче Пётре,
архипа́стырю Солове́цкий.

Кондак 10

Спасти́ хотя́ ду́шу свою́, богому́дре, смире́ние
крёстное вку́пе со ины́ми добродете́лями в дар
Го́споду принёсл еси́, уничижа́ющим и гоня́щим
тя николи́же противля́ся: приста́нище
последнее́ земна́го жити́я твоего́ во ото́це
а́нзерстем обре́л еси́, а́може приведе́ тя
Человеколю́бец Бог, же́ртвы но́выя всеще́дрья
твоея́ жела́я. Ты же благопоко́рне принёсл еси́
о́ную, любóвию воспева́я Го́сподеви: Аллилу́иа.

Икос 10

Стéну необори́му имёл еси́ благода́ть
Госпо́дню, благий о́тче, защища́юшу тя от враг
невидимых, не мо́гущих ду́ши твоея́ погуби́ти:
досто́ин бо тоя́ благода́ти яви́лся еси́
богоуго́дными труды́ твои́ми и умиле́нными
моли́твами, и́миже умно́жил еси́ сла́ву сего́
дивна́го ото́ка. Сего́ ра́ди покланя́ющесея

всемілоствому Бо́гу, воспева́ем тя, еди́наго от избра́нных его́, хвалéнии тако́выми:

Ра́дуйся, в безмо́лвии ото́ка а́нзерскаго я́ко пусты́нник поживы́й:

Ра́дуйся, святы́ню мученичества твоего́ к сокрови́щем богоизбра́ннаго ото́ка приложивы́й.

Ра́дуйся, в ме́сте подвигов пустыннолю́бнаго Елеза́ра и любобезмо́лвнаго Йо́ва пребыва́вый:

Ра́дуйся, к та́йнам сокрове́нным их а́нгельскаго жи́тельства ду́хом приника́вый.

Ра́дуйся, преподо́бному Гёрману, первонача́льнику солове́цкому, незри́мо бесе́довати сподобивы́йся:

Ра́дуйся, вы́шним изволе́нием стихосло́вие ака́фистное сотвори́ти тому́ удосто́ивы́йся.

Ра́дуйся, к по́моци святы́х сея́ сла́вныя земли́ во страда́ниях твои́х прибега́вый:

Ра́дуйся, святу́ю па́мять твою́ со ото́ки солове́цкими наве́ки связа́вый.

Ра́дуйся, священномучени́че Пётре, архипа́стырю Солове́цкий.

Кондак 11

Пение всеумиленное благодарною душею возносим ти, Всесвятый Владыко, Архиерею Небесный, яко даровал еси нам сего дивнаго пастыря, святаго Петра, на утешение и спасение душам нашим и избавление от погибели православныя России. Того подвиги песнословяще, тебе Богу нашему славу возсылаем пением хвалебным: Аллилуиа.

Икос 11

Светоносен светильник во тьме безумия и мраце беззакония горяй, вся озарял еси сиянием божественныя благодати, просвещая души светом истиннаго разума: и до отоков северных достиже свет боголюбивыя души твоея, даже до безмолвныя анзерския пустыни, идеже ты во святей горе Голгофе, подвиги иноческими прославленней, мученически скончал еси многотрудное житие твое. Сего ради воспеваем долготерпение твое, отче праведне, и любовьию простирающуюся к тебе, умиленно взываем:

Радуйся, в послѣднія дни житія твоего, люте недугуя, сладость вышняго мира паче познавый:

Ра́дуйся, в подража́ние Го́споду на горе́
Голго́фе в ру́це Бо́жии ду́шу преда́вый.

Ра́дуйся, же́ртвою честною́ твоёю свяще́нное
селе́ние си́е па́ки освяти́вый:

Ра́дуйся, дивная́ зна́мения и чуде́са по
кончи́не твоёй ми́лостивно яви́вый.

Ра́дуйся, всем се́рдцем твои́м возлюбивы́й
Христа́, и вся до конца́ за То́го претерпе́вый:

Ра́дуйся, безпреткнове́нно во оби́тели го́рняя
душе́ю возлете́вый.

Ра́дуйся, чу́дным жити́ем твои́м и кончи́ною
пра́ведною Бо́га просла́вивый:

Ра́дуйся, мо́щи честны́я твоя́ и свяще́нную
па́мять твою́ на земли́ нам оста́вивый.

Ра́дуйся, свяще́нномучени́че Пе́тре,
архипа́стырю Солове́цкий.

Кондак 12

Благода́ти обита́ющей в тебе́ дивя́щися,
велича́ем тя, святи́телю наш незабвённый
Пе́тре: ве́руем, я́ко дела́ Бо́жия на земли́
соверши́в, и страда́ния ве́лия претерпе́в, ны́не с
Го́сподем во оби́телех Его́ почива́еши, призира́я
на нас с высоты́ небёсныя, и приклоня́я к нам

вы́шнее милосе́рдие. На твоё заступле́ние наде́ющися, и на благода́тную по́мощь твою́ упова́юще, поём дивному во святы́х Свои́х Бо́гу: Аллилу́иа.

Икос 12

Пою́ще богоуго́дное жити́е твоё, благодея́ний испо́лнено, достохва́льне Пётре, и кончи́ну твою́ му́ченическую прославля́юще, благода́рным се́рдцем, любви́ю божество́нною дви́жимым, ублажа́ем твою́ святы́ню, и па́мять твою́ све́тло пра́зднующе, ра́достью зове́м ти:

Ра́дуйся, свя́тче, в та́йны божество́нныя посвяще́нный:

Ра́дуйся, сы́не Ца́рствия Небе́снаго благослове́нный.

Ра́дуйся, свети́льниче, в послéдняя времена́ нам Бо́гом дарова́нный:

Ра́дуйся, предста́телю о многострада́льней стране́ Росси́стей, Го́сподем избра́нный.

Ра́дуйся, Це́ркве Правосла́вныя благоукраше́нный ве́нче:

Ра́дуйся, Христо́в предивный испове́дниче и страсоте́рпче.

Ра́дуйся, о́браз страда́ния и любве́ ко Го́споду
нам явля́й:

Ра́дуйся, на у́зкий путь спасе́ния нас
наставля́й.

Ра́дуйся, священномучениче Пётре,
архипа́стырю Солове́цкий.

Кондак 13

О, пресла́вный и пречу́дный уго́днице Бо́жий,
/ святы́й мучениче за ве́ру Христо́ву, /
страстоте́рпче Росси́йский, святите́лю Пётре! /
Приими́ от нас недосто́йных и грешных, / сие́
ма́лое моле́ние на́ше, благоговейно и трепетно
тебе́ приносимо́е. / Испроси́ у Всеми́лостиваго
Влады́ки твоего́ Христа́, / Ему́же ны́не со
дерзнове́нием предстои́ши, / прощени́я и
оставле́ния мно́зем грехо́м на́шим, / напра́ви
нас ко стези́ покая́ния, / да тем изба́вльшися
лю́тых страсте́й, изба́вимся и мук ве́чных, / и в
ра́дости неизглаго́ланней Ца́рства Небе́снаго /
воспои́м с тобо́ю Христу́ Бо́гу: // Аллилу́иа,
аллилу́иа, аллилу́иа.

Молитва

О, досточу́дне Пётре, священномучениче и
страстоте́рпче сла́вный, еди́н от со́нма

новомучеников соловецких и всея земли
Российския, граду Воронежу похвало, пастырю
дивный стада Христова, верный служителю
Божий, защитителю ревностный Церкви
Православныя! Все житие твое любви ко Господу
и страданий о Христе исполнено: многи
мучения, болезни и скорби, изгнания и
зачтения Его ради претерпев, исповедник
безстрашен явился еси, и венцем нетленным
твоя слава украсил еси Церковь Русскую. Вся
предав в руке Божии, доблестенно службу твою
на земли совершив, в Голгофе анзерстей
кончину мученическую прияти сподобился еси,
богоблаженне. Ныне к небесному лику
причтенный, в Царстве Божественныя любви
пребываеши, со многими жители гораго
Иерусалима исполнения жертвы мученической
за Христа ожидая: егда вся имже належит быти,
совершатся в пределах земных. О, пресвятый
отче наш Петре, помози нам храмину сердца
своего незапустевшу хранить, научи нас радость
во страданиях о Христе обретати, озари путь
наш крестный сиянием твоея святости. Буди и
ныне нам утверждение в вере, да пришед
обретет ю Господь не угаснувшу. Умоли Творца
всяческих даровати нам силу и крепость: да не

устрáшившея стрáха лукаваго, исповéдаем
твёрдо Христа́, и Его́ милосёрдием ча́сти злых
избáвимся в день стра́шный воздая́ния, и в
ра́дость вéчную вселíмся, сла́вяще о всем
Вседержíteля Бóга, и твоё благодáтное
предста́тельство во вéки веко́в. Ами́нь.

